



Fidoyilik —  
Vatanga xizmat demak!

2023-yil 4-may, payshanba,  
52 (23.773)-son

**KUN  
HIKMATI**

Mukammallikning  
eng oddiy ko'rinishi  
o'z kasbini puxta  
bilish va uni  
birovlariga o'rgata  
olishdir

1913-yil aprel oyidan chiqq boshlagan



www.zarnews.uz



https://www.facebook.com/zarnews.uz



@zarnews\_uz



https://twitter.com/zarnews\_uz

## PREZIDENT FARMONIGA KO'RA

**Davlatimiz rahbarining 2023-yil 2-maydagi "Ikkinchi jahon urushi qatnashchilarini rag'batlantirish to'g'risida"gi farmoniga muvofiq, Ikkinchi jahon urushi qatnashchilari va nogironlarining har biriga 18 000 000 (o'n sakkiz million) so'm miqdorida bir martalik pul mukofoti belgilandi.**



## O'ZBEKISTONNING YEVROPADAGI YIRIK HAMKORI

**Germaniya va O'zbekiston. Bu ikki mamlakatning hamkorligi uzoq tarixga borib taqalmasa-da, o'zaro ishonch, hurmat va manfaatli kelishuvlarning to'g'riligi bois istiqbolda ishlab chiqarish imkoniyatlarini kengaytirishga zamin yaratmoqda.**

Germaniya dunyodagi eng yirik iqtisodiyotga ega davlatlardan biri sifatida jadal rivojlanayotgan O'zbekiston iqtisodiyoti va ijtimoiy sohalariga faol investitsiya kiritmoqda. Germaniya bugun mamlakatimizning qishloq xo'jaligi sohasida suvni tejoychi texnologiyalarni joriy etish, resurslarni tejaydigan o'g'it, qishloq xo'jaligi ekinlarining hosildorligi va sifatini oshirish, o'simliklarning barqarorligi va himoyasi, yer osti suvlari, o'simlik navlarini iqlimlashtirish, qishloq xo'jaligini raqamlashtirish loyihalarini amalga oshirmoqda.

Energetika sohasida uskunalar va butlovchi qismlar ishlab chiqarish, kichik GESlar qurish va ulardan foydalanish, vodorod energiyasi loyihalari, O'zbekistonda gaz uzatish tizimini va gazni qayta ishlash zavodlarini avtomatlashtirish, elektr va mashinasozlikda "O'zeltexsanoat" AJ va Germaniya elektrotexnika va elektronika ishlab chiqaruvchilari assotsiatsiyasi o'rtasida hamkorlik o'rnatilgan. Maishiy texnika va elektr jihozlari, elektrobular, konchilik sanoati uchun texnika va uskunalar ishlab chiqarish yo'lga qo'yilgan.

Hozirda O'zbekistonda Germaniya kapitalida 200 dan ortiq loyiha amalga oshirilmoqda. 2021-yilda Germaniyadan kiritilgan investitsiyalar hajmi 972,5 million dollarni tashkil etdi. 2022-yilda "Knauf", "Papenburg", "Falk

Porsche" singari yangi zavodlar ishga tushirildi. Yaqin istiqbolda Germaniyaning "MAN" konserni bilan yuk avtomobillari, "Claas" va "Lemken" kompaniyalari bilan qishloq xo'jaligi texnikasi ishlab chiqarish yo'lga qo'yiladi.

2023-yil 1-aprel holatiga ko'ra, O'zbekistonda Germaniya kapitali ishtirokida 198 ta korxonalar faoliyat ko'rsatmoqda (xorijiy kapital ishtirokida korxonalar umumiy sonining 1,6 foizi). Joriy yil boshidan buyon 10 ta korxonalar tashkil etildi.

Xususan, viloyatimizda Germaniya kompaniyalarining kapitali ishtirokida 9 ta qo'shma, 4 ta xorijiy korxonalar faoliyat yuritmoqda.

Jumladan, Oqdaryo tumanida "ZARAFSHON LOHMANN PARRANDA" korxonasi tomonidan parandachilik fermasi tashkil etilgan. "SAM TEXNO KOMPONENT" qo'shma korxonasi avtobuslarga butlovchi qismlar ishlab chiqarilmoqda. Payariq tumanidagi "O'ZBEGIM AGRO O'ZBEKISTON-GERMANIYA" korxonasi sut mahsulotlarini qayta ishlash, Past Darg'om tumanidagi "AGRO CONTINENT GARDEN" MCHJda bog'dorchilikni rivojlantirish loyihalari amalga oshirilmoqda. Jomboy tumanidagi "MAN AUTO" korxonasi avtobus va yuk avtomobillari ishlab chiqarilmoqda.

**Sharof Rashidov nomidagi Samarqand davlat universiteti kimyo fakultetida Nobel mukofoti sohibi Aziz Sanjar nomidagi zamonaviy analiz usullari ilmiy laboratoriyasining ochilish marosimi bo'lib o'tdi. Professor Aziz Sanjar AQShda yashab, ijod etuvchi mashhur turk biokimyogardir.**

AQShdagi Shimoliy Karolina universitetida faoliyat ko'rsatayotgan professor oxirgi 20 yilda saraton bilan zararlangan hujayraning DNK tizimini tuzatishning biokimyoviy mexanizmlarini ishlab chiqqan va ushbu tadqiqot uchun 2015-yilda kimyo fanlari bo'yicha Nobel mukofotiga loyiq ko'rilgan.

Laboratoriya energodispersion rentgen fluoressent spektrometr, elektron yutilish spektrofotometri, kukun rentgen diffraktometri kabi sakkiz turdagi zamonaviy qurilmalar bilan jihozlangan, - dedi Samarqand davlat universiteti rektori Rustam Xolmurodov. - Ilmiy laboratoriyada xalq xo'jaligining kimyo, farmatsevtika, tibbiyot, oziq-ovqat sanoati, biologik tadqiqotlar, konchilik kabi sohalarida tadqiqotlar olib borish

## NOBEL MUKOFOTI SOHIBI NOMIDAGI ILMIY LABORATORIYA OCHILDI



imkoniyati mavjud.

Shuningdek, mehmonlar molekulyar biotexnologiyalar va zamonaviy botanika asoslari hamda vivariy, biofiziologik, biokimyoviy tadqiqotlar ilmiy laboratoriyalari bilan tanishdi.

Tadbirida Oliy ta'lim, fan va innovatsiyalar vaziri Ibrohim Abdurahmonov, Nobel mukofoti sohibi Aziz Sanjar, oliy ta'lim muassasalari rektorlari va professor-o'qituvchilar qatnashdi.

X.ERNAZAROVA.



## SAMARQANDDA ILK BOR

**Respublika ixtisoslashtirilgan endokrinologiya ilmiy-amaliy tibbiyot markazi Samarqand viloyat filialida ilk bor laporaskopik usulda o'ng tomonlama adrenaloktomiya jarrohlik amaliyoti bajarildi.**

Keyingi yillarda respublikamizda endokrin kasalliklarni erta aniqlash va davolashga katta e'tibor qaratilmoqda. Respublika ixtisoslashtirilgan endokrinologiya ilmiy-amaliy tibbiyot markazi neyroendokrinologiya va neyroxirurgiya laboratoriyasida Kushing sindromi bo'yicha respublika miqyosida qator ilmiy tadqiqotlar olib borish bilan birga, zamonaviy tibbiyot yutuqlariga asosan-

gan samarali davolash usullari amaliyotga joriy etilmoqda.

Itsenko-Kushing sindromi kam uchraydigan, og'ir endokrinologik kasallik bo'lib, bemorlarda yurak-qon tomir, tayanch-harakat tizimlarida jiddiy asoratlarga sabab bo'ladi, - deydi Respublika ixtisoslashtirilgan endokrinologiya ilmiy-amaliy tibbiyot markazi Samarqand filiali bosh vrachi Gulzoda Negmatova. - Tashxislash va davolashda murakkabliklar sabab bemorlar ko'pincha mutaxassisga murojat qilguncha asoratlar rivojlanib, bemorlar hayot sifati pasayishi kuzatiladi. Endilikda Samarqandda yo'lga qo'yilgan ushbu yuqori texnologik amaliyot endokrin kasalliklar bilan bemorlarning uzog'ini yaqin qilish, nogironlik va erta o'limning oldini olish uchun qo'yilgan muhim qadamdir.

## Firibgarlar uch oyda bank kartalaridan

# 4 MILLIARD SO'M

## "YECHIB OLGAN"

**Viloyatda "Cyber Week" nomi ostidagi "Kiber makonda sodir etiladigan jinoyatlarga qarshi kurashish haftaligi" doirasida targ'ibot tadbirlari davom etmoqda.**



Samarqand shahridagi Yoshlar markazida yoshlar ishlari agentligi viloyat boshqarmasi, boshqarmaning tuman va shahar bo'limlari mas'ullari ishtirokida o'tkazilgan tadbirida IIV tezkor-qidiruv departamenti kiberxavfsizlik markazi hamda markazning viloyat bo'limi mas'ullari yig'ilganlarga kiberjinoyat turlari, keyingi vaqtda jinoyatchilar tomonidan keng qo'llanilayotgan firibgarlik shakllari, ulardan himoyalani oshirish haqida tushuncha berildi.

Viloyatda joriy yilning dastlabki uch oyida firibgarlar tomonidan fuqarolarning bank kartasidan 4 milliard so'mdan ziyod pul mablag'lari talon-taroj qilingan, - dedi Ichki ishlar vazirligi tezkor qidiruv departamenti kiberxavfsizlik markazi mas'ul xodimi Lochinbek Atoyev. - Aldov qurboni bo'layotganlarning aksariyati 19-35 yoshdagi fuqarolar bo'lib, o'tgan davr mobaynida ular tomonidan 400 ga yaqin ariza kelib tushgan.

Ushbu firibgarlik jinoyatlari olti usulda - telefon qo'ng'iroqlarida to'lov tashkilotlari ("Click" va boshqalar) yoki bank xodimi sifatida "SMS kodni olish", ijtimoiy tarmoqlar yoki "OLX" savdo platformasida "so-tuvchi" yoki "xaridor" sifatida aldosh yo'li bilan, Umra uchun to'plagan pullarini tasdiqlovchi kodni qo'lga kiritish orqali, jabrlanuvchiga noma'lum sharoitda yordam berish, moddiy yordam, onlayn kredit, yutuqi o'yin g'olibi kabi soxta aldov havolalar hamda soxta onlayn birja va treyding orqali amalga oshirilgan.

Toshkent davlat axborot texnologiyalari universiteti Samarqand filialida ham targ'ibot tadbiri bo'lib o'tdi.

Joriy yilning o'tgan vaqtida viloyatimizda 70 dan ortiq shu turdagi jinoyat aniqlandi, - deydi IIV tezkor-qidiruv departamenti kiberxavfsizlik markazi viloyat bo'limi mas'ul xodimi Azamat Yo'ldoshev. - Bir muddat oldin telegramm messengerida fuqarolarning shaxsiy ma'lumotlarini egallab olish bilan bog'liq firibgarlik ham shular jumlasidan. O'rganishlarimiz davomida bu kabi jinoyatlarning asosiy qismi xorijdan turib boshqarilayotgani ma'lum bo'lmoqda. Bu esa ularni fosh qilishni yanada murakkablashtiradi. Shu bois bugun oldimizda turgan asosiy vazifa avvalo, fuqarolarning kiber tahdidlardan ogohligini oshirish.

Fazliddin RO'ZIBOYEV.

## MERGANCHADAGI

"YANGI O'ZBEKISTON" da

## NIMA GAP?

**Prezidentimizning 2021-yil 9-dekabrda "Yangi O'zbekiston" massivlarini qurish va hududlarning ijtimoiy-iqtisodiy rivojlanishini ta'minlash chora-tadbirlari to'g'risida"gi farmoniga asosan, aholining uy-joy sharoitini yaxshilash, hududlarda zamonaviy shaharsozlik talablari asosida ko'p qavatli uy-joylar, ijtimoiy soha obyektlari hamda muhandislik-kommunikatsiya tarmoqlari qurish maqsadida Urgut tumanida ham "Yangi O'zbekiston" massivi qurilishi qizg'in davom etmoqda.**

Yaqinda davlatimiz rahbari mazkur massivlarning qurilishi susayib ketganligi, aholi uy-joylari o'z vaqtida egalari topshirilmayotganligini qattiq tanqid qilgan edi.

Jumladan, Urgutdagi Mergancha massivida qad rostlayotgan ko'p qavatli uylar, ijtimoiy soha obyektlari, ichimlik suvi va kanalizatsiya tarmoqlarining o'z vaqtida qurib foydalanishga topshirilmayotganligi qurilish jarayonlariga o'z salbiy ta'sirini o'tkazmoqda.

Xo'sh, yangi massivda qurilishning sustlashishiga nima sabab bo'lmoqda? Aholi nima uchun yangi uy-joylarga ko'chib o'tmayapti?

(Davomi 2-sahifada) >>>

**Prezident huzuridagi tadbirkorlik subyektlarining huquqlarini va qonuniy manfaatlarini himoya qilish bo'yicha vakil (Biznes-ombudsman) tomonidan axborot va ommaviy kommunikatsiya boshqarmasi bilan hamkorlikda tadbirkorlarga yaratilgan imkoniyatlar bilan tanishish maqsadida "Urgut" erkin iqtisodiy zonasida Sazag'on massivida OAV vakillari uchun press-tur tashkil etildi.**

## METALL KONSTRUKSIYALAR

Yaponiya, BAA, Singapurga eksport qilinmoqda

Biznes-ombudsmanning viloyatdagi xodimlariga yil boshidan buyon 242 ta murojaat kelib tushgan va ularning 158 tasi qanoatlantirildi, 6 tasi tegishli idoralarga yuborildi, 58 tasi bo'yicha huquqiy tushuntirish berildi va 20 tasi o'rganilmoqda, - deydi Biznes-ombudsman vakili Nodir Namozov. - Murojaatlarning aksariyati yer va bino ajratish, kredit, soliqqa doir masalalar va tekshiruvlarning qonuniyligi, infratuzilmani yaxshilash bilan bog'liq. Murojaatchilarning huquqlari va qonuniy manfaatlarini ta'minlash yuzasidan 105 ta ta'sir choralarini qo'llanildi.

Dastlabki manzillim iqtisodiy zona tarkibidagi "MIRAN-KUL CONSTRUCTION MATERIALS LTD" MCHJ bo'ldi. Bu yerda shit korpuslari, metall shkafalar, metaldan yasaladigan boshqa turdagi turli xil mahsulotlar, kabel yo'laklari, shamollatish tizimlari, binoning tashqi, poydevor va katta o'lchamdagi yangil konstruksiyali soyaobnalar va boshqa turdagi mahsulotlar ishlab chiqariladi.

2018-yilda 10 nafar ishchi bilan metalga ishlav berishni yo'lga qo'yib, xorijdan import qilinadigan mahsulotlarni ishlab chiqarishni boshladik, - deydi korxonalar rahbari Nuriddin Hamroqulov. - Hozirda ishchilar soni 160 nafarga yetdi va 2022-yil yakuni bilan ishlab chiqarish hajmi 6 barobarga oshdi. Mahsulotimizning 70 foizi eksport

qilinadi. Birgina o'tgan yil korxonamizda ishlab chiqarilgan 18 million dollarlik mahsulotni Yaponiya, BAA, Singapur kabi xorij bozorlariga sotdik.

Hududdagi yana bir yirik korxonalar - "TESPACK INVESTMENT" MCHJda zamonaviy maishiy texnika vositalari, alyumin radiatorlar ishlab chiqarilmoqda. 3,3 million dollar sarmoya yo'naltirilgan korxonada 50 nafar ishchi yiliga 330 ming dona alyumin radiator, 10 ming dona zamonaviy maishiy texnika ishlab chiqariladi.

Yana bir istiqbolli korxonalar - "SCHELKOVO AGRO-HIM-O'ZBEKISTON" qo'shma korxonasi tomonidan o'simliklarni begona o't va hasharotlardan kimyoviy himoyalash vositalari ishlab chiqarish rejalashtirilgan. Qiymati 22 million dollarlik loyiha xorijiy sarmoya asosida amalga oshiriladi. Joriy yilning ikkinchi yarmida ishga tushirilishi rejalashtirilgan korxonada yiliga 120 ming litr inseksid, fungitsid, urug' dezinfektantlari, 60 ming litr rodensidlar, 58 ming litr defoltiant, 62 ming litr o'simlikni o'stiruvchi regulyatorlar kabi mahsulotlar ishlab chiqariladi va 200 kishi ish o'rniga ega bo'ladi. O'rtacha Osiyoda yagona hisoblangan bu korxonalar mahsulotining 70 foizi eksport qilinadi.

O'ktam XUDOYBERDIYEV.







# Sobir Rahimov diviziyasi jangchisi

Usmon Eshbekov uy-muzeyiga sayohat qilindi

**Ishtixon tumani Tallak qishlog'ida joylashgan Usmon Eshbekov uy-muzeyiga sayohat qilindi. Xotira va qadrlash kuni munosabati bilan tashkil etilgan uchrashuvga shoir va yozuvchilar hamda harbiylar taklif etildi.**

Usmon Eshbekov 1941-yilgacha Oqdaryo tumanidagi Oytomol qishlog'ida maktab o'qituvchisi bo'lgan. Ikkinchi jahon urushi boshlangach, Eshbek otaning to'rt o'g'li-Sunnatilla, Omon, Usmon va endigina 19 yoshni qarshilayotgan Usmon Eshbekov jangga otlangan. Ko'p o'tmay, Sunnatilla va Omondan qora xat keldi...

Usmon Eshbekov Sobir Rahimov qo'mondonlik qilayotgan 37-gvardiyachi o'qchi diviziyasi tarkibida jang qildi. 1944-yil boshlarida Usmon jangda yarador bo'ldi. O'sha kezlarda Oliy bosh qo'mondonning buyrug'iga binoan urush nogironi bo'lgan o'qituvchilar zahiraga bo'shatilib, ular zimmasiga tezda maktablarni qaytadan ochish vazifasi yuklatildi.

Usmon Eshbekov urushdan nogiron bo'lib kelgan paytida ularning Tallak qishlog'i Oqdaryodan Ishtixon tumani tarkibiga o'tkazilgan edi. Shu tariqqa bu qishlog'da ham maktab ochish zarurati paydo bo'ldi. O'z davrining ilg'or ziyolisi Tallak qishlog'ida hozirgi 7-o'rtta maktabni bunyod etishda va urush tufayli to'xtab qolgan ta'lim sohasini yo'lga qo'yishda faollik ko'rsatdi. 1960-yil-largacha kechki maktabda dars berib, kunduzi xo'jalik ishlarida mehnat qildi.

Usmon Eshbekovning umr yo'ldoshi



Xursand Normatova uy bog'chasi tashkil etib, uzoq yillar qishlog'da dalaga chiqadigan ayollarning yosh bolalarini parvarish qildi. O'zi 10 nafar farzandni voyaga yetkazib, "Qahramon ona" unvoniga ega bo'ldi.

Prezidentimizning tashabbusi bilan "1941-1945: O'zbekiston xalqining fashizm ustidan qozonilgan g'alabaga qo'shgan his-sasi" kitob-albomida Usmon Eshbekovning "Biz Rahimovchilar edik" sarlavhali maqolasi surati bilan kiritildi.

O'tgan yili Usmon Eshbekov tavalludiga 100 yil to'lishi munosabati bilan Ishtixon tumani Tallak qishlog'ida u yashagan xo-nadonda uy-muzey tashkil etildi. Muzeidan jangchining harbiy formasi, olgan unvon, medallari, suratlari va kitoblar joy olgan.

Hatto oilaviy shajarasi, o'sha davr ruhini aks ettiruvchi ro'zg'or buyumlari ham bor.

Tadbirda yig'ilganlar jangchi va uning oilasi haqida iliq gaplarni aytdi. Ayniqsa, Usmon Eshbekovning o'g'li, filologiya fanlari nomzodi, O'zbekiston Yozuvchilar uyushmasi va Jurnalistlar uyushmasi a'zosi To'lg'in Eshbekning xizmatlarini e'tirof etishdi.

- To'g'risi, ko'p shahar, tumanlarda

mehnat qildim, ammo otasining xotirasini yod etib, uy-muzey tashkil etilganini Ishtixon tumaniga kelib ko'rdim, - dedi tuman hokimi Fazliddin Ro'ziyev. - Uy-muzeyni ko'rib, havas qildim va uyimda shunday uy-muzey tashkil etishni niyat qildim. Kelajak avlod bobosi kim bo'lgan, otasi kim bo'lgan, ular qanday ishlarni bajarganini bilishi kerak. Tarixini bilgan millat o'zligini unutmaydi.

Tadbirda Samarqand markaziy harbiy okrugi harbiylari tomonidan qilingan chiqishlar ishtirokchilarda katta taassurot qoldirdi.

Shuningdek, O'zbekiston Yozuvchilar uyushmasi viloyat bo'limi va tuman hokimligi tomonidan uy-muzeyga kitoblar sovg'a qilindi.

O'z muxbirimiz.

**Har bir inson hayotida ota-onasi, oila a'zolari singari qadri kishilar bo'ladiki, ularning o'rnini hech kim bosolmaydi. Ularning siz uchun qilgan xizmatlari shunchalik katta bo'ladiki, uni qiyoslab, baholab bo'lmaydi.**

## AKAMDEK USTOZIM EDI

Men uchun, men bilgan ko'pchilik veterinarlar, turli soha kishilari uchun Abbas aka ana shunday benazir inson, bag'rikeng ustoz, qo'li ochiq aka, samimiy do'st edi.

Butun umri, ish faoliyati Samarqand shahridagi Siyob dehqon bozori veterinar, sanitariya-ekspertiza laboratoriyasi bilan bog'liq bo'lgan ustozim dunyoga mashhur ushbu bozorning shuhratini oshirish, sotuvchi va xaridorlar uchun qulay sharoit yaratishga intilib mehnat qildi. U kishining bu boradagi xizmatlari bozorga rahbarlik qilganlarikidan ortiq bo'lsa ortiqchi, aslo kam emas. Buni bozor ma'muriyati ham, shahar jamoatchiligi ham yaxshi biladi.

Abbas akam Samarqand tumanining Pulimug'ob qishlog'ida ma'rifati oilada tug'ilib o'sgan. Dastlab zooveterinariya texnikumini, so'ngra qishloq xo'jalik institutini veterinar mutaxassisligi bo'yicha bitirgan. Bir muddat kushxonada ishlagach, 1978-yildan boshlab Siyob dehqon bozori qoshidagi veterinar, sanitariya-ekspertiza laboratoriyasida faoliyat olib bordi, laboratoriyaga rahbarlik qildi.

Men shu laboratoriyaga ishga kelib, u kishining rahbarligida mehnat qilib, nafaqat ish bo'yicha, balki hayot sabog'ini ham olganman. Sohaning ilmiy tomonlari, nazariyasini o'rganish kerak, albatta. Ammo o'rganganlarini amaliyotda qo'llashni bilmasang, bunday bilimning kimga keragi bor. Abbas aka bizga aynan amaliyotni o'rgatgan, sotuvchi va xaridorlar bilan muomala qilishda barchamizga ibrat bo'lgan. Bozorda tabiiyki, turfa fe'li kishilar uchraydi - birovi jizzaki, birov gap ko'tarmaydi, o'z bilgani qolmaydigan sotuvchi, injiq xaridor. Abbas aka har qanday holatda ham sotuvchi va xaridor bilan til topishib, ularni rozi qilgan holda murosaga keltiradi, o'z talabini qo'yib, bozorda tartib o'rnatadi.

Hozir ayrim rahbarlar, qiziqqon yoshlarni ko'rsam, Abbas akaning ana shu fazilatlarini yodga olaman.

Laboratoriyaga har yili texnikum va institutdan talabalar amaliyotga kelardi. Ko'p joylarda amaliyotga yuborilgan talabalarga hech narsa o'rgatilmasa, shunchaki qog'oziga qo'l qo'yib berib yuborilardi. Bizda esa Abbas aka har bir talaba bilan suhbatlashib, ularni xodimlarga biriktirib qo'yardi, keyin tez-tez ular bilan savol-javob qilib, nima o'rganганиni so'rab turardi. Hech bir talaba e'tibordan chetda qolmasdi. Keyin ular orasidan eng bilimli, harakatchan yigit-qizlarni ishga olib qolar yoki shahardagi boshqa bozorlardagi laboratoriyalarda ishlashga taklif qilardi. Hozir Samarqanddagi istalgan bozorga borib ko'ring, albatta, u yerda Abbas Murtazoyevning sabog'ini olgan shogirdlari yoki u kishining tavsiyasi bilan ishga qabul qilingan mutaxassislarni ko'rishingiz mumkin. Abbas aka ko'p kitob, gazeta-jurnal o'qishi sababli talabalar va bizdan ham nima o'qiyotganini so'zardi. Ziyolilar, ijodkorlar bilan suhbatlashishni, ma'rifiy davralarni xush ko'rardi. Stolida doim gazeta va jurnallar, yangi kitoblar bo'lardi. Taqdir bizni ana shunday inson bilan yuzlashtirgan, u bilan yonma-yon ishlash baxtini berganiga shukrona aytamiz.

Afsuski, Abbas akam uzoq hayot kechirmadi. 2011-yilda, 62 yoshlarida bu foyi dunyoni tark etdilar. Lekin biz har gal laboratoriyaga kirganimizda, bozorga borganimizda ustozimiz bizni kulib qarshi olayotgandek bo'ladi. U kishining ruhi bizga madadkor bo'layotganini har kuni, har laha his qilib turamiz.

Rafiq HOTAMOV.

REKLAMA, E'OLONLAR, BILDIRISHLAR / Gazetamiz haftada uch marta - seshanba, payshanba va shanba kunlari chop etiladi / Gazetada chop etilayotgan reklama va e'lonlar tezkor, samarali va hamyonbop / MUHOJAAT UCHUN TELEFON: 66-233-91-56

**Samarqand davlat tibbiyot universiteti pediatriya fakulteti bolalar kasalliklari propedevtikasi kafedrasida OCHIQ MA'RUZA O'TKAZADI**

**Mavzu:** "Breast-feeding";  
**Ma'ruzachi:** t.f.n. dotsent v.b Shadiyeva X.N.;  
**Sana:** 10.05.2023-yil, soat 11:10 da;  
**O'tkazish joyi:** SamDTU bolalar kasalliklari propedevtikasi kafedrasida ma'ruzalar zali;

**Taklif etilganlar:** Xalqaro ta'lim fakulteti 325-328-guruh talabalari, kafedralar va dekanat xodimlari, klinik ordinarlar va magistrlar.

**Kafedra mudiri, t.f.d. dotsent Rabbimova D.T.**

**QUTLAYMIZ!**  
O'zbekiston "Veteran" jangchi-faxriy va nogironlar birlashmasi viloyat bo'limi a'zolari urush faxriysi Shavkat Boyxo'rovni tug'ilgan kuni bilan qutlaydi.

1986-1988-yillarda Afg'onistonda baynalmi-nal burchini o'tagan Sh.Boyxo'rov jamiyati-mizning faol a'zolaridan bo'lib, birlashmaning viloyat bo'limida tashkil etilgan bayram va tadbirlarda muntazam ishtirok etib keladi. Shuningdek, u viloyat yo'li harakati xavfsizligi boshqarmasi boshlig'i sifatida yoshlarimizni kuchli, mard va jasur hamda vatanparvarlik ruhida tarbiyalashda o'z hissasini qo'shib kelmoqda.

Biz barcha qurolidosh do'stlari nomidan Shavkat Boyxo'rovga uzoq umr, sihat-salomatlik, mehnat faoliyatida omad tilab qolamiz.

**DA'VOLAR BO'LSA...**

Urgut tumanidagi "BAROT HOMIDOV SAVDO SERVIS" mas'uliyati cheklangan jamiyati (STIR: 301327532) o'z ustav fondini 17 034 469 (o'n yetti million o'ttiz to'rt ming to'rt yuz oltmish to'qqiz) so'mdan 14 460 000 (o'n to'rt million to'rt yuz oltmish ming) so'mga kamaytirmoqda. Shu munosabat bilan unga bildiriladigan barcha da'volar gazetada e'lon chop etilgach, bir oy davomida qabul qilinadi.

**Manzil: Urgut tumani Do'stlik mahallasi, Pochvon ko'chasi.**

Samarqand shahrida xususiy amaliyot bilan shug'ullanuvchi notarius Rahmonov Sarvar Ne'matilloevich notarial idorasida marhum Iskandarov Ermat Alimkulovichga (2020-yil 4-noyabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Rahmonov Sarvar Ne'matilloevich notarial idorasiga murojaat etishlarini so'raymiz.

**Manzil: Samarqand shahri Gagarin ko'chasi, 60-uy.**

Samarqand shahrida xususiy amaliyot bilan shug'ullanuvchi notarius Rahimova Komila Faxriyevna notarial idorasida marhum Aripov Murtazakulga (1977-yil 22-aprelda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Rahimova Komila Faxriyevna notarial idorasiga murojaat etishlarini so'raymiz.

**Manzil: Samarqand shahri Abdurahmon Jomiy ko'chasi, 64-uy.**

Jomboy tumanida xususiy amaliyot bilan shug'ullanuvchi notarius Mamatqulov Otabek Bolbekovich notarial idorasida marhum Razaqov Raxmatullo Razakovichga (2020-yil 23-sentabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Mamatqulov Otabek Bolbekovich notarial idorasiga murojaat etishlarini so'raymiz.

**Manzil: Jomboy tumani Saroy ko'chasi, 15-uy.**

Samarqand shahrida xususiy amaliyot bilan shug'ullanuvchi notarius Jo'rayev Kamoliddin Muhiddinovich notarial idorasida marhum Raximov Baturga (2019-yil 22-aprelda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Jo'rayev Kamoliddin Muhiddinovich notarial idorasiga murojaat etishlarini so'raymiz.

**Manzil: Samarqand shahri O'zbekiston ko'chasi, 35-uy.**

**ABITURIYENTLAR DIQQATIGA!**

**SAMARKAND INTERNATIONAL UNIVERSITY OF TECHNOLOGY**

**SAMARQAND XALQARO TEKNOLOGIYA UNIVERSITETI HUJJATLAR QABULINI BOSHLADI.**

**Hujjatlarni www.siut.uz sayti orqali topshirishingiz mumkin. Siz o'rtta ta'limni bitirganlik haqidagi hujjatlarni olguningizga qadar o'zingiz tahsil olayotgan muassasaning (maktab, kollej yoki litsey) bitiruvchisi ekanligingizni tasdiqlovchi ma'lumotnomani tizimga yuklashingiz mumkin.**

**MUHANDISLIK:**  
- "Geologiya va geomuhandislik";  
- "Konchilik ishi";  
- "Kimyo muhandisligi";  
- "Neft va gaz muhandisligi";  
- "Axborot texnologiyalari".

**XITOI ENERGETIKA INSTITUTI:**  
- "Issiqlik energetikasi" (Xitoy oliy ta'lim dasturlari asosida).

**KOREYA TEKNOLOGIYASI VA MADANIYATI KOLLEJI:**  
- "Yashil texnologiyalar" (qayta tiklanadigan energiya manbalari);  
- "Dizayn";  
- "Raqqamli iqtisodiyot".

**TADBIRKORLIK:**  
- "Tadbirkorlik va menejment";  
- "Xalqaro logistika".

**TA'LIM INGLIZ TILIDA OLIB BORILADI**

**+99855-705-50-05, +99897-575-48-29**

**Telegram (http://t.me/siut\_uz) Facebook (https://facebook.com/siut.uz) Instagram (https://instagram.com/siut.uz) Sayt (http://www.siut.uz/)**

Samarqand shahrida xususiy amaliyot bilan shug'ullanuvchi notarius Jo'rayev Kamoliddin Muhiddinovich notarial idorasida marhum Kayumova Zebinisoqa (2020-yil 11-oktabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Jo'rayev Kamoliddin Muhiddinovich notarial idorasiga murojaat etishlarini so'raymiz.

**Manzil: Samarqand shahri O'zbekiston ko'chasi, 35-uy.**

Samarqand shahrida xususiy amaliyot bilan shug'ullanuvchi notarius Aliyeva Lola Zoirovna notarial idorasida marhum Boytemirov Munir Abdurashitovichga (2018-yil 22-yanvarda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Aliyeva Lola Zoirovna notarial idorasiga murojaat etishlarini so'raymiz.

**Manzil: Samarqand shahri Mirzo Ulug'bek ko'chasi, 80-uy.**

Jomboy tumanida xususiy amaliyot bilan shug'ullanuvchi notarius Mamatqulov Otabek Bolbekovich notarial idorasida marhum Umurzakov Sultanga (2019-yil 1-noyabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Mamatqulov Otabek Bolbekovich notarial idorasiga murojaat etishlarini so'raymiz.

**Manzil: Jomboy tumani Saroy ko'chasi, 15-uy.**

Samarqand tumanida xususiy amaliyot bilan shug'ullanuvchi notarius Abdullayev Nodir Jamoliddinovich notarial idorasida marhum Kamarov Nuritdinga (2005-yil 29-yanvarda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Abdullayev Nodir Jamoliddinovich notarial idorasiga murojaat etishlarini so'raymiz.

**Manzil: Samarqand tumani U.Samiyev ko'chasi, 1-uy.**

Payariq tumanida xususiy amaliyot bilan shug'ullanuvchi notarius Ortig'boev Aziz Azamatovich notarial idorasida marhum Xusanova

Zuxraga (2021-yil 1-avgustda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Ortig'boev Aziz Azamatovich notarial idorasiga murojaat etishlarini so'raymiz.

**Manzil: Payariq tumani Chelak shaharchasi, Istiqlol ko'chasi, 73-uy.**

Samarqand shahrida xususiy amaliyot bilan shug'ullanuvchi notarius Nurqosimov Ramziddin Sayfidinovich notarial idorasida marhum Obidova Sabotatga (2018-yil 24-oktabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Nurqosimov Ramziddin Sayfidinovich notarial idorasiga murojaat etishlarini so'raymiz.

**Manzil: Samarqand shahri Abdurahmon Jomiy ko'chasi, 80-uy.**

Samarqand tumanida xususiy amaliyot bilan shug'ullanuvchi notarius Shomurodov Anvar Salimovich notarial idorasida marhum Sayidova Gulorom Otkulovna (2022-yil 9-iyunda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Shomurodov Anvar Salimovich notarial idorasiga murojaat etishlarini so'raymiz.

**Manzil: Samarqand tumani O'rtashiq mahallasi.**

Samarqand shahrida xususiy amaliyot bilan shug'ullanuvchi notarius Bahromova Feruza Zoirovna notarial idorasida marhum Oblikulov Raxmonkulga (2014-yil 8-fevralda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Bahromova Feruza Zoirovna notarial idorasiga murojaat etishlarini so'raymiz.

**Manzil: Samarqand shahri Amir Temur ko'chasi, 108-uy.**

Samarqand shahrida xususiy amaliyot bilan shug'ullanuvchi notarius Aliyeva Lola Zoirovna notarial idorasida marhum Yuldasheva Malika Nuritdinovna (2020-yil 8-noyabrda vafot etgan) tegishli mol-mulk uchun meros ishi ochilmoqda. Shu munosabat bilan

**Oysha AVAZOVA**

Beshafqat o'lim ajoyib inson, umrini ta'lim-tarbiyaga bag'ishlagan Oysha Avazovani oramizdan olib ketdi.

O.Avazova 1945-yil 2-yanvarda Samarqand shahrining Qo'shbov mahallasida tavallud topdi. Otasi Abdug'ani boba fabrikada ishchi, onasi Xojar ona uy bekasi edi.

U shahardagi 10-o'rtta maktabda o'qidi. So'ngra Samarqand davlat universitetining fizika fakultetiga o'qishga kirdi. Universitetni a'lo baholar bilan tugatgach, yo'llanma asosida Samarqand davlat arxitektura-qurilish institutiga ishga yuborildi. Institutning fizika kafedrasida assistent, katta o'qituvchi lavozimida faoliyat yuritdi.

Ustoz ish faoliyatida institut jamoasi orasida hurmatga sazovor bo'ldi. Qator yillar institut xotin-qizlar qo'mitasi rahbari lavozimida ishlab, ta'lim-tarbiya ishlari-ga munosib hissa qo'shdi va 2010-yilgacha yuzlab shogirdlar tayyorladi.

O.Avazova ish faoliyatida davomida yuzga yaqin o'quv uslubiy, laboratoriya ishlari uchun o'quv qo'llanmalar yaratdi. Respublika va xalqaro konferensiyalarda ishtirok etib, maqolalari ilmiy jurnallarda chop etildi. Ko'p yillik fidokorona mehnatlari uchun Oliy va o'rta maxsus ta'lim vazirligining rahmatnoma va faxriy yorliqlariga sazovor bo'ldi. Respublikamizning turli viloyatlaridan kelib, O.Avazova ta'lim tarbiyasini olgan ko'plab shogirdlari bugungi kunda yuqori lavozimlarda samarali mehnat qilishmoqda.

U o'z mehribon ona sifatida ikki nafar farzandni voyaga yetkazdi.

Oysha Avazovaning pok ruhi doim qalbmizda yashaydi. Uning oila a'zolari va yaqinlariga ta'ziya izhor etamiz.

**SAMARQAND DAVLAT ARXITEKTURA-QURILISH UNIVERSITETI FIZIKA KAFEDRASIDA JAMOASI.**

merosxo'rlarning Aliyeva Lola Zoirovna notarial idorasiga murojaat etishlarini so'raymiz.

**Manzil: Samarqand shahri Mirzo Ulug'bek ko'chasi, 80-uy.**

Samarqand tumanida xususiy amaliyot bilan shug'ullanuvchi notarius Abdullayev Nodir Jamoliddinovich notarial idorasida marhum Axmedova Marufat Usmanovna (2019-yil 16-fevralda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Abdullayev Nodir Jamoliddinovich notarial idorasiga murojaat etishlarini so'raymiz.

**Manzil: Samarqand tumani Xujra Axror Vali mahallasi, U. Samiyev ko'chasi, 1-uy.**

**BEKOR QILINADI**

Sotuvchi Nabiyeva Ulmas Vahobovna va sotib oluvchi Baxriyev Sayfidin Amriddinovichlar o'rtasida Samarqand shahri Panjikent ko'chasi, 23-uyda joylashgan savdo do'koni binosining 32,9 foiz qismi uchun "Best reaktor" MCHJ Samarqand mintaqaviy filialida 2017-yil 13-martda to'g'ridan-to'g'ri muzokaralar o'tkazishi yo'li bilan tashkillashtirilgan savdoning 045-sonli kelishuv bayonnomasining sotib oluvchidagi nusxasi yo'qolganligi sababli bekor qilinadi.

Samarqand viloyati xalq ta'limi xodimlarini qayta tayyorlash va ularning malakasini oshirish hududiy markazidan 2021-yilda Soxibova Zaynura Abdullayevna nomiga berilgan ro'yxat raqami 2867, QT 036436 raqqamli qayta tayyorlash kursidan o'tganligi to'g'risidagi diplom yo'qolganligi sababli bekor qilinadi.

Samarqand Siyob tibbiyot kollejdin 2005-yilda Rashidova Parvina Iloxomova nomiga berilgan ro'yxat raqami 77, K 3655256 raqqamli diplomning ilovasi yo'qolganligi sababli bekor qilinadi.

Samarqand viloyati maktabgacha va maktab ta'limi boshqarmasining eski namunadagi "Samarqand viloyati hokimligi xalq ta'limi boshqarmasi KADRLAR BO'LIMI" yozuvli dumaloq muhri yo'qolganligi sababli bekor qilinadi.



# MIRZO ULUG'BEK TIMSOLIDA OLIMLIK SIYRATI

Movarounnahrni qirg' yil boshqargan hukmdor, qomusiy bilim sohibi Mirzo Ulug'bek kamtarin olim bo'lgan. Alloma o'zining to'rt kitobdan iborat hamda 30 yillik ilmiy tadqiqotlari samarasi bo'lgan ulkan hajmdagi "Ziji Ko'ragoniy" asarining kirish qismida shunday deydi: "Yulduzlarning ahvolidan kuzatilgan va imtihon bilan ma'lum bo'lgan jam'iki narsalar ushbu to'rt maqoladan iborat kitobga kiritilib, subut tutildi".

Olim to'rtta kitobdan iborat yirik hajmdagi asarni to'rtta maqola deb ta'kidlamog'da. Fundamental ilmiy tadqiqot bo'lgan bu asarning birinchi kitobi yil hisobi, kunlar, soatlar, turli xalqlarda kun boshini aniqlash odatlari, qadimgi turklarda muhal hisobi bo'yicha vaqt o'lchovi, Turkiston va Xitoydagi vaqt o'lchovi masalalari, xalqlarning mashhur kunlari va bayramlari haqidagi ma'lumotni o'z ichiga oladi. "Zij"ning ikkinchi kitobi matematika, sferik astronomiya, matematik geografiya hamda ilmiy nujumga bag'ishlanadi. Shaharlarning nomlari va geografik koordinatalardan iborat geografik va trigonometrik jadvallar ham shu kitobda keltirilgan. Asarning uchinchi kitobi astronomiyaning asosiy masalalariga bag'ishlangan bo'lib, unda sayyoralar harakati va qo'zg'almas yulduzlar haqidagi mulohazalar bayon etiladi. "Zij" asarining asosiy mag'zini ham shu kitob tashkil etadi. Unda sayyoralar harakati jadvali va yulduzlar katalogi Ulug'bekning rasadxonadagi 30 yillik uzluksiz kuzatishlari natijasi bo'lib, ular aniq matematik qoidalarga asoslangan. Asarning to'rtinchi kitobi astrologiyaga bag'ishlangan. Ko'rinib turibdiki, bu asar katta amaliy ahamiyat kasb etgan fundamental tadqiqotning natija va xulosalaridan iborat.



qomusiy bilim sohibining kamtarligi hozirgi zamon olimlari uchun ham namuna. Mirzo Ulug'bekning astronomiya sohasida olib borilgan tadqiqotlarining aniqlik darajasi bugungi kompyuter elektron hisoblar bilan deyarli aynanligi xalqaro miqyosda tan olingan. Olib borilgan tadqiqot natijalaridagi shunchalik aniqlik darajasiga qaramasdan, buyuk olim o'zining asarida agar xato o'tgan bo'lsa, o'quvchidan o'tinchi borligini aytadi: "Agarda nimarsa tuzatish va yaxshilash haddidan chetlashgan bo'lsa, uni afv libosining etagi birla yopsalar va uzr etsalar, ammo koyi-masalar". Vaholanki, fan tarixida eng ko'p murojaat etilgan, sharhlar bitilgan asarlardan biri ham Mirzo Ulug'bekning "Ziji" dir.

Muhammad Xorazmiyning "Al-jabr val muqobala", Ibn Sinoning "Tib qonunlari" asarlari Sharq va G'arb ilm-fani rivojida qanchalik ahamiyat kasb etgan bo'lsa, Mirzo Ulug'bekning "Zij"i ham astronomiya, matematika va trigonometriya fanlari rivojida besh asr mobaynida eng mukammal nazariy va amaliy manba bo'lib xizmat qildi.

**Akram AZIZQULOV,**  
**SamiSI dotsenti.**

## "Zarafshon" gazetasining 110 yilligiga

Musahhih matn terishda yo'l qo'yilgan xatolarni tuzatuvchi, tahririyat, nashriyot, bosmaxona xodimi hisoblanadi. Ko'pchilik bilmaydigan bu soha odamlarni savodxonlikka undaydi.

2002-yilda olingan ushbu suratda "Zarafshon" gazetasida ko'p yillar ishlagan fidoyi musahhihlar (chapdan) Sohiba Sultonova, Feruza Muhammadiyeva hamda Mastura Bobojonova aks ettirilgan.

- Musahhih siz o'qiyotgan gazetani xatolardan «toza»lab, unda verguldan nuqtasigacha, barcha imloviy xatolarini tuzatib, maroqli mutolaaga aylantiruvchi jonkuyardir, - der edi mohir musahhih Feruza Muhammadiyeva. - Musahhih ona tilimizning yuzi, ko'zi, aniqroq aytadigan bo'lsak, yuragidir.



## Taqiq bilan tartibning farqi bor

Yaqinda pedagogik amaliyot o'tash maqsadida maktabgacha ta'lim tashkilotlaridan biriga bordim. Afsuski, tizimda haligacha muammolar talaygina ekaniga guvoh bo'ldim. Muassasada dastlab bolalar bilan kirishib ketishim qiyin bo'ldi, lekin keyingi kundan ular bilan mashg'ulotlarda faol ishtirok etishni boshladim. Bu vaqtda tarbiyachining mashg'ulotlarni tashkil qilishi, bolalar bilan yakka(jindividual) va jamoaviy mashg'ulotlarni tashkillashtirishini ham kuzatdim.

Bolaning imkoniyatlari haqida gap ketgan-da, uning shijoati, har narsaga urinib ko'rishi, bajarishga intilishi, ko'rgisi, bilgisi kelaverishi tushuniladi. Bola biz tarbiyachilar sabab yangi bilimlarni o'rganadi, dunyoni, atrof-muhitni anglay boshlaydi. Yerdan unib chiqqan maysa misoli osmonlarga intiladi. Tevarak olamni o'rab olgan yashillik bilan qiziqadi. Qushlar ovozi, suvning shivirlashi, shamolning esishi...

Bola har doim faol bo'ladi, har doim o'rganishni istaydi. Faqat unga erkinlik berilsa kifoya. U olamni kashf qilishga intiladi. O'zi uchun kashfiyotlar yaratadi. Bola o'zini daho hisoblaydi.

Bog'chada diqqatimni tortgan narsa bolaga cheklovlar qo'yish, uni ma'lum bir qobiqqa solib tarbiyalash, erkinligiga ta'qiq qo'yish bo'ldi. Muassasa tarbiyachisi bu holatni "tartib" deb baholaydi. Bog'chada tarbiyachi bolalarga sovuq munosabatda bo'lishni ko'rib, undan jahlining sababini so'raganida u berilgan vazifani bajarolmayotganini aytdi. Ensam qotib, "Buni bolaga biz o'rgatishimiz, unga mehr bilan ko'maklashishimiz kerak emasmi?", dedim. Qo'rquvdan dir-dir titrayotgan bolaga yumshoq-

lik bilan tarbiyachi nega bunday munosabatda bo'ldi, deb so'radim. Bolakay qog'ozni ko'rsatib "Gul rasmini o'xshatolmaganim uchun", dedi.

Tarbiyachi bolalarga she'r yo'dlatayotganda ham sovuqqonlik bilan ovozi balandlatishi ularga yomon ta'sir qilishini nahotki tushunmasa? Men bunday "tarbiya"ni hech qachon oqlamayman. Bu bilan muassasadagi barcha tarbiyachilarni qoralamoqchi emasman, albatta, guruch kurmaksiz bo'lmaydi. Ammo guruchni keraksiz "kurmaklar"dan ajratishning vaqti kelmadimi?

Tarbiyalashning boshqa yo'llari ham bor. Bolani bolalik qilishga qo'yib berishimiz kerak. Bola ulg'ayganida zavqu shavq bilan eslaydigan o'tmishi bo'lishi lozim. Hozirgi holatida bir tomondan ota-onadan tanbeh eshitishi, ikkinchi tomondan, tarbiyachining zug'umi uning baxtli kelajagini barbod qilib qo'yishi mumkin. Ota-onaning ilmsizligi, tarbiyachining uquvsizligi oqibatida jamiyatning bir a'zosi o'zini keraksiz deb his qilishi mumkin emas.

**Azizjon ORZIMURODOV,**  
**O'zbekiston-Finlandiya pedagogika instituti**  
**maktabgacha ta'lim fakulteti talabasi.**

## Qadimiy kitoblarning hoshiyasida nega ko'proq joy qoldirilgan?

Qog'oz nashr mahsulotlarining asosiy xomashyosi sanaladi. Qog'oz haqida ko'pchilikka noma'lum qiziqarli faktlar ham mavjud. Masalan, qog'oz og'irligi. Qog'oz og'irligi bu juda muhim tanlov. Chunki agar biz to'g'ri bo'lmagan og'irlik bilan nashr mahsulotlarini bosib chiqarsak, jarayonning yakuniy holati o'ylaganimizdek chiqmasligi mumkin. Shuning uchun bosmoqchi bo'lgan narsamizga qarab turli grammlardan foydalanamiz. Jumladan, gazetalarda 40-60 gramgacha bo'lgan og'irlikdagi qog'ozlar ishlatiladi. 80-100 gramgacha: bu kundalik turmushda keng qo'llaniladigan va eng keng tarqalgan qog'oz turi sanaladi. 90-170 gramgacha: asosan risola va plakatlar uchun mo'ljallangan. 200-250 gramli qog'ozni jurnallarda uchramiz. 350-450 gramli qog'oz deyarli karton qog'ozdir. Biz bularni kitob muqovalarida kuzatamiz.

Qog'oz haqida so'z yuritir ekanimiz, beixtiyor Samarqand qog'ozni yodimizga tushadi. Xo'sh, bugungi kunda ham Samarqand qog'oziga bo'lgan talab o'z kuchidami? Samarqandda qog'oz ishlab chiqarishning vujudga kelishi Talas vodiysidagi 751-yilgi bosqinchilik bilan bog'liq. Samarqand hokimi Abu

Muslim Xitoy bosqinchilariga qarshi yurish boshlaydi va bosqinchilardan bir necha kishini asir oladi. Xitoy jangchilari orasida hunarmandlari ham bo'lib, keyinchalik ular tirikchilik maqsadida mahalliy aholiga qog'oz ishlab chiqarishni o'rgatadi. Shu tariqa Samarqandda qog'oz ishlab chiqarish yuzaga keladi.

"Samarqand Sulton qog'ozini" o'zining silliqiligi va yuqpaligi bilan boshqa qog'ozlardan ajralib tursa, "Samarqand shoyi" qog'ozini sifat jihatidan undan qolishmasa-da, rangi och sariq, ya'ni novot rangda bo'ladi. "Samarqand Sulton qog'ozini" deb nomlanishini ayrim tadqiqotchilar tannarx jihatidan qimmatligi bois uni faqat sul-



ton xonadoniga mansub yoki aholining o'ziga to'q qatlami sotib olgani bilan bog'laydilar. Haqiqatan ham Samarqand qog'ozining bu navi Buyuk Ipak yo'lida ayirboshlangan mollar ichida eng qimmatbaho, mashhur bo'lgan. Buni mashhur fors kalligrafi Sultonali Mashhadiyning faqatgina Samarqand qog'ozida ijod qilishni tavsiya etganida ham ko'rishimiz mumkin.

Samarqand qog'ozining o'ziga xos jihatlaridan biri - u suvda butkul ivib ketmaydi va yong'in vaqtda to'liq yonib kul bo'lmaydi. Shuning uchun qadimiy kitob va qo'lyozmalarning hoshiyasida birmuncha ko'proq joy qoldirilgan. Sababi o't ketgan vaqtda qog'ozning faqat chetlari kuyib,

qolgan qismi o'z holicha saqlangan. Bundan tashqari, mazkur qog'ozga kemiruvchilar ham shikast yetkazolmagan. Chunki u tut daraxti po'stlog'idan qilinganligi uchun hazm qilish juda qiyin hisoblangan.

Ana shu xususiyatlari uchun ham Samarqand qog'ozini bugungi kunda ham dunyo e'tiborini o'ziga jalb etib kelmoqda. Bugun Samarqand tumanidagi Konigil qishlog'ida Samarqand qog'ozini hunarmandlar tomonidan o'sha an'analarni saqlagan holda ishlab chiqarilayotgani tahsinga loyiq.

**Farangiz BOZOROVA,**  
**Samarqand davlat universiteti**  
**filologiya fakulteti talabasi.**

## Men anglagan haqiqat

\* Isrofgarchilik saxiylik hisoblanmaydi. Ammo tejamli bo'lish yaxshilik alomati.  
\* "Yegandan qo'rq, to'plagandan emas", deyishadi. Chunki yeganni to'ydirib bo'lmaydi, to'plagan olib ketolmaydi.  
\* Qadimgilar so'zga baxil, mol-dunyoga saxiy bo'lishgan. Sababi, ular saxiylikni savob bilishgan. Bugungilar esa aksincha, so'zga chechan, saxiylikda xasislik qilishadi.  
\* Nafsnig quliga aylanganlar uyat, or-nomus, degan tushunchalarni bilishmaydi, har qadamda badnafsligini sezdirib qo'yadi. Aslida barcha illatlarning onasi nafs balosi.  
\* Haddan tashqari boylikka ruju qo'yish yaxshilikka olib kelmaydi. Ehtiyojga yarasha topilgan boylik eng yaxshi boylikdir.  
\* Ba'zi odamlar mansab pillapoyasidan yuqori ko'tarilgan sari oyoq ostini ko'rmay qolishadi. Ularga «Hoy, oyog'ing ostida odam bor», deb ogohlantirib turish kerak.  
\* Ba'zi ota-onalar «Bolaning qaramaydi, bemehr

bo'lib qolgan, hurmat qilmaydi», deb nolishadi. Ammo ular o'zlariga «Bolaning mehr berdimmi? Yaxshi tarbiya qiloldimmi?», degan savollarni bera olsa, javob oydinlashadi.  
\* Inson aqlli bo'lib tug'ilmaydi. Lekin ayrimlarda qobiliyat tug'ma keladi. Faqat uni o'z vaqtida sezib, rivojlantirish lozim.  
\* Umr yashash uchun emas, yaratish uchun berilgan. Shunday yashangki, sizdan yaxshiliklar qolsin, musibatdan hikmat izlang, mashaqqatdan ibrat.  
\* Ijod - inson qalbining mevasi. U inson orzu-umidlarini turmush tarog'ida tarashlaydi va sayqal berib, hayotga tatbiq etadi. Shuning uchun har bir ishga ijodiy yondashsangiz, kam bo'lmaysiz.  
\* Baxt - bu kurash degani. Chunki inson o'zi bilan o'zi kurashib yashaydi, o'z yo'lini o'zi tozalab, baxt topadi.  
**Chori QO'NG'IROV,**  
**mehnat faxriysi.**

## SHU OYDA TAVALLUD TOPGANLAR

5-MAY

**Narziqul YAVQOCHEV** - 1947-yilda Jomboy tumanida tug'ilgan. O'zbekiston Respublikasi xalq o'qituvchisi.

**Iso ABDURAHMONOV** - 1938-yilda tug'ilgan. O'zbekistonda xizmat ko'rsatgan jurnalist.

**Rahmonqul ORZIBEKOV** - (1931-2011) Qirg'iziston Respublikasining Jalolobod tumanida tug'ilgan. Filologiya fanlari doktori.

**Sharif AKRAMOV** - (1913-1982) Samarqand shahrida tug'ilgan. Bastakor va shoir. O'zbekistonda xizmat ko'rsatgan madaniyat xodimi.

**Muslihidin MUHIDDINOV** - 1945-yilda Urgut tumanida tug'ilgan. Filologiya fanlari doktori, professor.

**Hasan MUSAYEV** - (1950-2020) Toshkent viloyati Yangiyer (hozirgi Sirdaryo viloyatining Boyovut) tumanida tug'ilgan. Iqtisod fanlari doktori, professor.

**MUASSIS: Samarqand viloyati hokimligi**

**Bosh muharrir: Farmon TOSHEV**

Gazeta O'zbekiston matbuot va axborot agentligining Samarqand viloyat boshqarmasida 2012-yil 30-martda 09-01 raqam bilan ro'yxatga olingan. Nashr 100. Indeks 438. 17 637 nusxada chop etildi. Buyurtma . Hajmi 2 bosma taboq, bichimi A-2

Gazeta haftaning seshanba, payshanba va shanba kunlari chiqadi.

**QABULXONA: (66) 233-91-51, REKLAMA VA E'LONLAR: (66) 233-91-56**

**BO'LIMLAR: (66) 233-91-57, 233-91-58, 233-91-59, 233-91-61**

**MANZILIMIZ: 140100, Samarqand shahri, Ulug' Tursunov ko'chasi, 80-uy, Matbuot uyi.**

Gazeta «Zarafshon» tahririyatining kompyuter bo'limida sahifalandi.

«Noshir lux» MCHJ bosmaxonasida chop etildi.

**Korxonalar manzili:** Samarqand shahri, Spitamen ko'chasi, 270-uy.

Bosishga topshirish vaqti: soat 18:30 da.

Bosishga topshirildi: soat 19:00

**Navbatchi muharrir:**

**G'.HASANOV.**

**Navbatchi:**

**G.MO'MINOVA.**


**Sahifalovchi:**

**B.ABDULLAYEV.**



Saytimizga o'tish uchun QR-kodni telefoningiz orqali skaner qiling

ISSN-201667X



Sotuvda narxi kelishilgan holda

